

THE HEHEURAA API

I neia i te piha neneiraa na te Ekalesia a Iesu Mesia i te Feia
Mo'a i te Mau Mahana Hopea Nei i Papeete, Tahiti,
i te mau fenua Sotaiete, i te mau avae atoa.
Te hoo e piti farane i te matahiti hoê.

Nu. 7.

Tiurai 1926.

Mat. 20.

*E outou no te utuafare no Iseraela i farhereherehia e au
ra, e rave rahi ta'u haaputuraa ia outou mai te moa e hauputu
i to'na fanaua i raro aê i to'na pererau, ia tatarahapa outou
e ia fariu mai ia'u ma te aau opuâ mau. (III Nephi 10:5)*

Te Atua Maitai

UA HAAMAITAI noa mai te Atua i te taata nei, mai te
matamua mai â o teie nei ao. Ua tonono mai oia i te
hoê melahi ia Adamu, e ua faaite maira tana melahi ra i te
ravea e roaa'i te ora ia'na. Ua parau atoa mai te Atua ia
Noa, e ia Mose, e ia Isaia, e ia Ieremia, mai te faaue ia
ratou i te haapii i te mau taata i te hinaaro mau o te Fatu
e te mau ravea hoi e tae atu ai ratou i pihaiiho ia'na. E
i muri mai i tonono mai ai oia i ta'na tamaiti fanau-tahi ia
Iesu Mesia i roto i teie nei ao ia faaorehia'i te mau tapea
o te pohe.

Ua patoi noa mai te taata i te mau haapiiraa a te Fatu
mai te matamua mai â. Ua pehi ratou i te mau peropheta
i te ofai, e ua hurihia hoi te feia faarop i roto i te fare
tapearaa, e a tae mai ai Iesu i roto i teie nei ao, ua patoi

mai te mau taata ia'na, e aita oia i farii-maitai-hia, e i te hopea ua faasataurohia oia. Area râ ua faatia oia i ta'na Ekalesia i nia i te fenua nei e ua faatoroa hoi oia i te mau aposetolo, e ua faane oia ia ratou ia parau-haere i te eva-nelia e te mau mea hanahana hoi ta'na i haapii na ia ratou. Ua taparahi-atoa-hia te mau Aposetelo, aita roa te hoé o ratou i pohe i to'na iho utuafare, ua rave-ino-hia râ ratou e ua taparahihia ihora, E ere te mau aposetolo anaé tei hamani-ino-hia i te reira tau. Ua hamani-ino-atoa-hia ta ratou mau pipi atoa, e tae noa'tu i te paura o te mau taata tei pee ia Iesu Mesia. Hoe noa iho ite tei vaiihohia mai i te taata nei, oia hoi, te Bibilia, e ua haapii-hape-hia te mau parau i roto i taua buka maitai ra, E no te ino rahi i vai i roto i te taata i te reira tau, aita te mau orometua i tiaturi i te mau parau ta ratou i haapii atu, e no reira ua haavare-noa-hia te mau taata i parahi i te ao nei.

Na roto râ i to te Atua maitai e i to'na aroha faito ore, ua horoa mai oia i te tahi ite i te taata nei. E te faaite papu nei tera ite e, o Iesu te Mesia e te tamaiti fanau-tahi a te Atua, e ua faaite atoa mai taua ite ra i te ohipa ta Iesu i rave i rotopu i te Ati Nephi i muri iti aé i to'na faasatauro-raa-hia. Ua hunahia te reira ite i roto i te aivi ra o Tumora. (Cunorali) O te Bnka a Moromona ia te ite i papaihia i nia nei, e ua vai noa taua buka ra i roto i te aivi Tumora e hoé ahuru e ma ~~mana~~ hanere matahiti. A faaitehia'i taua buka ra, ua patoi to te ao atoa nei i te reira, e ua parau noa mai ratou e, e ere te reira buka no ô mai i te Atua ra. Area, na roto i te Varua Maitai i haamaramaramahia'i te tahi pue taata, e ua farii mai ratou i teie buka ei buka mau a te Atua ra.

E ere hoi te reira anaé tei tupu i te reira tau, ua ite atoa te tamaiti ra o Iosepha Semita i te hoé orama a vai apî ai oia, o tei hau i te nehenehe i te mau orama atoa i horoahia mai i te taata nei. Ua hió mata oia i te Atua Metua

ei ta'na tamaiti ia Iesu Mesia, e ua faaroo oia i te parau no roto mai i te vaha o te tamaiti i te na ô raa mai e, "Te ati mai nei teie nei feia ia'u i to ratou vaha e te faatura mai nei ratou ia'u i to ratou utu, tei te atea ê râ to ratou au ia'u." E ua faaite atoa mai te Atua e, ahiri oia e haapao maitai i te mau ture e te mau haapiiraa mau i papaihia i roto i te bibilia, na roto ia'na e faahoîhia'i te mana, e faatiahia'i hoi te Ekalesia a Iesu Mesia ma to'na banahana atoa mai tei faatiahia e Iesu iho i to'na ihora anotau.

Teie hoi te ohipa a te Feia Moá ia faaite-uána'tura i te man mea ta te Atua i horoa mai ia matou i teie mau mahana nei, no te mea, te hinaaronei te Atua ia faaroo-noa-hia ta'na evanelia e to te ao atoa nei, peneiaé, o te faafariu mai ratou ia'na e amni mai hoi i roto i to'na feia maitihia. E te faaite atoa nei te Feia Moá e, e buka mau te Buka a Moronona a te Atua, e te faaite nei taua buka ra e, ua fâ tino mai Iesu i rotopu i te Ati Nephi i nia i te fenua Amerika, e ua faatia hoi oia i ta'na Ekalesia i rotopu ia ratou.

Te manaó nei te tahi pae taata e, e mea faufaa ore te Ekalesia i faatiahia e Iesu i teie mau mahana hopea nei, area te mau taata tei amui mai i teie nei Ekalesia ite papu e, te haamaitahia nei ratou no te reira Ekalesia e ua ite atoa ratou e, aita'tu e mana tei faatere i te reira maori râ te Atua anaé.

Ua tia aéra Paulo i nia i rotopu i te Areopage, na o atura, e te man taata Atenonei, e rahi hua to outou mataro i te haamori i te Demoni, ua ite iho nei au. Ia'u hoi i hahere noa iho nei e te hió-noa-raa'tu i ta outou e haamori nei, ite atura vau i te hoé fata e te parau i papaihia i nia iho, NA TE ATUA ITEA ORE. O ta outou hoi e haamori noa nei ma te ite ore ia'na, Oia tau e parau atu ia outou nei. (Ohipa 17: 22-23)

Te faaite papu nei te mau orometua o teie Ekalesia e,

te haamori to te ao i te Atua itea ore, e te haamori hape nei ratou ia'na, e Oia hoi ta matou e parau nei. A haamano tatou i te melahi ta Ioane i hió i te maueraa na ropu i te reva ma te evanelia e tia i te vairaa ei pororaa'tu i te feia i parahi i te ao nei ra, i te mau fenua atoa e te mau opu atoa, e te mau reó atoa, e te mau nunaa atoa, i te pii-huaraa'tu te reo e. a mataú i te Atua, e faahanahana'tu ia'na; na tae hoi i te hora faautuaraa na'na ra: e haamori outou i tei hamani i te raí e te fenua, e te tai e te mau pape pihaa ra. (Apokalupo 14:6-7) E teie Atua tei hamani i te raí e te fenua e huru taata to'na, e Atua hoi oia tei parau noa mai i te taata nei, eiaha i te mau tau i mairi ê na anaé, i teie râ anotau atoa hoi. E te faaite uána'tu nei matou e, na faatia mai te Atua i te Peropheta ei haapii mai ia tatou i te haerea mau. E te oaoa noa nei matou no te mea, na maitihia maton ei parau-haere i te parau a te Atua. Amene.

— *Faaauhia ei re'o Tahiti e Ioane*

Haamaitai i te Mau Tamarii na roto i te Haapiiraa

E TEIE â hoi, mai te mea e tamarii ta te hoé pae metua i Ziona, e i te tahi atu â i ta'na ra mau tîti o tei haamauhia ia o tei ore i haapii atu ia ratou i te parau no te tatarahapa; te faaroo i te Mesia te tamaiti a te Atua ora ra; e te parau no te papetizoraa e te horoaraa no te Varna Maitai na roto i te tnuraa rima ia taeabia te vaú o te matahiti ia ratou, i nia ia bara i te upoo no te mau metua vai ai. (B. F. S. 68:4)

E haapii i te tamaiti i te eá e ia paari oia ra, e ore e faarue i tana eá ra. (Maseli 22:6) E ia riro hoi te ture ei

lamep
ta tato
te irav
ra, ei
ia rato
parau
tamari
o te pa
i te Me
ia Tim
vahine
Atua, e
fare ha
18:17-1
na o m
i mua i
mai Ieh
e faaite
ratou ia
i te ao
rii." (I
O
e te ite
mau pa
te Atua
hapa, e
hió atoa
lamana
â ratou
hoi to r
ratou ih
mau me
ratou."

lamepa e te aó ei tiarama, e ia faaitoito i te haapii atu i ta tatou mau tamarii, o te ora ia. Taio atoa i te pene 6 e te irava 23 no taua Maseli ra. Outou hoi e te mau metua ra, eiaha e faaooo i ta outou tamarii ia riri, e haapii râ ia ratou e ia paari mai te aó a te Fatu ra: a faaroo na i te parau a Paulo ia Timoteo, o tei na o mai e, "e mai to te tamarii-rii-raa mai â to oe ite i te parau moá i papaihia ra, o te parau ia e paari ai oe e tae noa'tu i te ora i te faaroo i te Mesia ia Iesu." (II Timoteo 3:15) E no reira, ua noaa ia Timoteo te ite no roto mai i to'na mama e to'na tupuna vahine ra ia Loidi. (II Timoteo 1:4-5) E ere anei ua ite te Atua, e aó â Aberahama i ta'na mau tamarii e to'na utua-fare haapao ratou i te parau a Iehova a muri atu. Genese 18:17-19) Ua na reira atoa te Atua i te tamarii a Iseraela. Ua na o maira te hoé parau papai e, I te mahana i tia noa'i oe i mua i te aro o to oe Atua ra a Iehova i Horeba; a parau mai Iehova ia'u ra e, A haaputuputu mai i te mau taata na, e faaite atu van ia ratou i ta'u nei parau; ei haapiiraa ia ratou ia mataú mai ratou ia'u, i to ratou mau mahana atoa i te ao nei, e ia haapii atoa hoi ratou i ta ratou mau tamarii." (Deuteronomi 4:10)

O te matamua o te paari ra, o te mataú ia ia Iehova; e te ite i te mau parau moá ra, o te ite ia. (Maseli 9:10) Te mau parau moá atoa i papaihia ra e mea faaurua mai ia e te Atua, e e mea maitai ei haapiiraa, ei aóraa, ei faaiteraa hapa, ei faaite mai i te parau-tia ra; (II Timoteo 3:16) A hió atoa i te tumu i itoito ai te hoé pupu i arataihia e Helamana i te tamaí. Te na o maira taua parau ra e, "Aore â ratou i tamaí; aita râ ratou i mataú i te pohe; ua rahi hoi to ratou manaó i te taime o to ratou ra man metua i to ratou iho ora; oia ia, i haapiihia na hoi ratou e to ratou mau metua vahine, ia ore ratou ia feaa, e faaora te Atua ia ratou." (Alama 56:47)

Ua itea na hoi e, te mau tohu atoa i roto i te parau i papaihia ra, e ere ia te mea imihia e te taata nei. E ere hoi i to te hinaaro o te taata i tae mai ai te tohu i tahito ra; o te mau taata moá ra o te Atua tei parau i ta te Varua Maitai i tuu mai ia ratou ra. (II Petero 1:20-21) E na faai-tehia mai hoi ratou e, e ere to ratou iho, no tatou ra ta ratou i tupu maira i te mau mea i parauhia mai ia outou i teie nei e te feia i aó mai ia outou i te evanelia, ma te Varua Maitai i tonohia mai mai te raí maira; o te mau mea ia ta te mau melahi e faaô mai e hió. (I Petero 1:12)

No reira e te mau metua, a faaitoito i te haapii i ta tatou mau tamarii i te parau no te ora mure ore. Aita'tu e ravea, e roaa mai ai te ite ia ratou. Te na ô maira hoi te Aposotolo ra o Paulo, "Na te ite maori e noa'i te faaroo, e na te parau a te Atua i parauhia maira te ite." (Roma-10:17) E na roto i te haapiiraa atu i te mau tamarii, e tupu to ratou ite i te Atua. Ua na ô maira Iesu e, "Teie hoi te ora mure ore, ia ite ratou ia oe i te Atua mau ra, e ia Iesu i te Mesia i ta oe i tono mai."

Papaihia e Timi á Mapuhi

E Parau Aroha

[TE mau taeae e te mau tuahine e te mau hoa atoa i te pae ao moana nei. Ia ora tatou atoa i roto i te aroha e te mana faito ore o to tatou Fatu e to tatou Atua mure ore.

Ua tae mai matou o Ruita e ta mana tamarii tamaroa e to tatou orometua api o Orovare. Na nia mai matou i te pahi Tahiti i te tereraa mai, e e tereraa maitai roa hoi to matou.

Te tupu roa nei to'n hinaaro ia faaite atu ia outou na i to'n maururu no to tatou farerei-faahou-raa. Te afai

no tei
ua ha
e arat
nei au
i teie
ora'i i
e mar
faaue
T
to rat
parau
to rat
te nav
óé ra,
Ia
tatou



mai nei au i te mau parau aroha a to tatou Peropheta ia outou. E te afai atoa mai nei au i te mau parau aroha a te Feia Moá no Amerika ia outou. Te parahi nei ratou ma te maitai e te peapea ore, e te rave noa nei ratou i te ohipa a te Fatu.

Teie te hoé parau na tatou, oia hoi, te haere nei te ohipa a te Ekalesia i mua i te mau vahi atoa o teie nei ao. No reira, aita'tu e ravea e ora'i, maori ra, ia itoito tatou i te raveraa i te ohipa a te Atua, ia haere ta'na ra chipa,

no teie nei pae ao i mua. E teie nei, te manaó nei au e, na haamaitaihia vau e te Atua i te mea e, na maitihia vau e aratai i ta'na ohipa i te pae ao moana nei. E te tiaturi nei au i te Atua, e na'na e faaite mai ia'u i to'na ra hinaaro i teie nei pae ao. E no reira, a imi tatou atoa i te ravea e ora'i ia roaa mai ia tatou te hanahana faito ore. Mai te mea e manuia tatou i tana vahi ra, ia haapao tatou i te mau faanuraa atou tei tuhia mai e te Atua etia'i.

Te na ô maira te parau papai e, "Ua haafatafata oia i to ratou tariá i te aó, e na faaue ia ratou ia hoí mai i te parau pió ra. Ia haapao mai ratou e ia faaroo ia'na, e hope to ratou pue mahana i te maitai, e to ratou mau matahiti i te navenave. I ore râ ratou ia faaroo ra, e pohe ratou i te óé ra, e pohe hoi ratou ma te ite ore ra. (Ioba 36:10-12)

Ia haapao tatou i te mahana haapaeraa maa, aita anei tatou e haamaitaihia? E na iritihia to tatou mau aau, e

ua aroha'tu tatou i tei veve e tei ore i paia i te maa. Ia haapao te taata i te tufaa ahuru, aita hehenehe ia parau, te ora nei oia i ta'na iho. Te tauturu nei râ oia i to'na mau taeae. E te haamonaó noa nei oia i to ratou maitai, e i taua taime ihora, te haaputn nei oia i ta'na taoá i te ao ra. Na roto i te haapao maitai, e roaa mai ia tatou te ite e te maramarama, e na roto hoi i te haapaoraa i te faaueraa e te mau ture atoa i tuuhia mai e te Atua, e roaa'i ia tatou te ora mure ore.

No reira, ia vai noa to tatou hinaaro ia itoitoe roa i ta tatou ohipa, e ia haapao tatou i te mau ture atoa no te Ekalesia. A hui maná no tatou i te parau i papaihia i roto i te Hebera 5:8-9, o tei ua ô mai e, "e tamaiti noa iho hoi oia, i ite oia i te auraro i to'na ra mau pohe. E no te nei u hui noa-roa-hia oia, riro atura oia ei tumu no te ora mure ore no te feia atoa e faaroo ia'na ra. Amene

Papaihia e Alama Buratona

Faatere raa Hau no te Mau Fenua Farani i te atea ê
TOMITE NO TE OHIPA TITAU MONI TAUTURU

Na nia i te mau nunaa atoa o te mau fenua farani i te atea ê, e te mau fenua hau tamaru e oia atoa tei tuuhia i raro aê i te faatereraa a te Hau farani.

Na roto i teie nei titauraa moni tauturu, no te haamama rii i te mau hopoia rahi teimaha a te Hau, te ani atu nei ia te Hui Faatere Hau i te mau taata farani atoa, ia tauturu mai ratou i teie nei ohipa

Teie râ, tei te taata iho te faataa i te tauturu e au ia'na i te horoa mai, ma te feruri maite iho mai te au i to'na ihora manaó, eiaha râ e ei faaueraa puai.

Ei haapapuraa atu i mua i to ontou na aro, i teie nei tauturu api, o te au ia ontou ia horoa mai, e faaite noa'tu ia matou e te vî ra te puai rahi o te patireia nei i roto i te

tahoê-maite-raa o te mau taata farani atoa no Europa e no te mau fenua atea ê i roto i te manaô hoé, mai teie nei e â muri noa'tu.

I te parariraa iho nei i te mau otia o te Hau Metua i te enemi, tia maira te mau nunaa atoa no te mau fenua i te atea ê e tei au mai i te Hau Farani, no te tautururaa ia'na i roto i to'na ra ati, mai te faaû atoa'tu i roto i te pohe.

Ua hope aénei taua mau mahana hepohepo ra, ei ia tun mai outou i ta outou na tauturu i teie nei â, te tahoé maite ra ia outou i to Farani na roto i taua tautururaa na outou ra: e taua tautururu ra, o te haamama ia i te utua tarahu rahi o tei haateimaha mai i nia iho ia tatou nei, na roto i te tamaí rahi o ta tatou i ite aénei.

O outou atoa na o tei parahi mai te hau i raro aé i te maru o to tatou nei reva, te tiaturi papu atu nei ia matou e, e manaó â ia outou i te Hau Metua mai te tuhia mai i ta outou ra tauturu ia Farani, mai te hió ore noa'tu i te mau tumu i tahoé mai ai outou ia'na ra.

Aita ê â te mau fenua farani i te atea ê i ite aénei i te ruperupe rahi mai to teie nei anotau; e te manuia hoi te mau ohipa i ravehia; aita hoi te ohipa hooraa taoá i faufaa-hia mai to teie nei. E te oaoa nei te Hau Metua i taua ruperupe rahi ra, e te riro nei hoi te reira ei faaitoito ia'na i teie nei, e te riro atoa nei ei tiaturiraa papu na'na i roto i te mau taua muri nei. Te feia'toa i faufaahia i roto i taua maitai rahi ra, tei ia ratou ia te haamanaó mai i teie nei titaurai i ta ratou ra mau tuhaa tauturu o tei haamana-hia aénei e te Ture. O outou ra i ite i te mau fifi no te tau i o te moni mai to Europa nei te huru, e na manuia atu hoi te tahi pae no roto i te tani o te moni.

Aita'toa hoi ratou i ite e a tae roa mai, i teie nei tau, i te teimaha rahi o te mau moni aufau mai ta to Farani e amo nei.

O outou mapii ia ta matou e tiaoro atu uei, oia te feia papaa e te maohi, e te mau papu o tei mono mai ia ratou

ra e: a tauturu mai.

Teie nei pororaa, te faataehia'tu nei ia, i mua i to outou na aro, i to te feia o tei faufaahia i raro aé i te maru o te Hau Farani ma te taia ore e o ta matou hoi i paruru aé-nei mai te hoé vahi no roto mai i te faufaa rahi a te patireia nei.

Teie râ, tei te mau taata rii iho te feruri maite i te rahi o ta ratou ra tauturu, no roto mai i te faufaa rii o tei haaputu-maitehia- e ratou ra, o tei rohirohi i te imiraa i to ratou ra maitai i te mahaua atoa nei, o tei ore hoi i taa ia ratou te mau tumu o teie nei fifi o te Hau Metua, eiaha ratou e manaó e, e utua api teie e anihia'tu nei, ei tauturu râ na roto i to ratou ra hinaaro mau.

Te feia'toa o tei ite mai i te tahoé-maite-raa o to tatou nei mau pue fenua i tera vahi e i tera vahi, na ratou e faaite papu e na roto i ta ratou ra tauturu i te Hau Metua i roto i te mahana nei, te tauturu atoa ra ia ratou i te faufaa a te mau fenua farani i te atea ê. Ei reira, te taati-maite-hia ra ia te manaó tauturu i te mau ravea haapao-maitai-hia.

No reira ra, te feia'toa o tei fanauhia i te mau fenua farani i arataihia e te moana ra, o tei ite i ta ratou ra mau haapaoraa i te manuiaraa na roio i te faat-reraa marama e tei haapararehia mai te faaherehere ore; te feia'toa o tei faaea tumu i taua mau fenua ra i raro aé i te maru o te Hau Farani; te mau taata farani iho hoi o tei faatia i ta ratou ra mau ohipa maitatai, o tei riro ei haamaitai i te fenua, e faaroo mai ia ratou i teie nei reó i tinoro atu nei; a tauturu mai. E tera te mau tapao a ta matou e ite nei, maori râ te aau parau tia, te aau marama, te aau tauturu Hau Metua o tei riro ei aveia no to ratou ra haerea e o tei tahoé â ia ratou na rote i ta ratou tauturu puai i te Hau Metua,

Faaitehia mai e Te Mau Tomite

I roto i teie mau mahana i mairi aénei i faaafarohia'i te tarahu i rotopu i te fenua Amerika e te fenua Roumania.

Ua tupu roa teorureraa hau i te oire Calatuta (Calcutta) i te fenua ra i Inidia, (India) e e hoé tauatini taata i taparahihia i roto i taua orureraa hau ra. Tei raro aé teie fenua i te faatereraa o te Hau Baratane, e na riroia ei ohipa rahi ia faatere noa i teie fenua ma te hau.

Ua tupu roa te peapea i te fenua Baratane i teie mau mahana i mairi aénei, e teie hoi te huru no taua peapea ra. oia hoi, te tama'ine i teie feia rave ohipa i te mau ona no taua fenua ra, e te parau nei ratou e, ia ore ta ratou taimé ohipa e faarahihia, e faaea ana'e ratou i ta ratou ohipa. Mai e mea, aita ta ratou taimé e faarahihia, e pae milioni (5,000,000) taata te faaea i te ohipa. Ia ore râ teie feia ona e haapao i teie titauraa, e tupu roa te orure hau i taua fenua ra.

I roto i te mau avaé i mairi aénei, ua haere na taata e tootoru i te fenua ra i Afarita, e na farerei haere ratou i te mau vahi atoa no taua fenua ra. Ua tae ratou i te vahi i parauhia Koroo, e i reira to ratou farereiraa i te hoé nuuaa taata huru ê roa. E mau taata nainai roa teie i iteahia, area râ, numera hoé ratou ia horo na raro. Ia tae te tau faaipoiporaa no teie feia, ua faaité mai te tane faaipoipo i to'na puai, na roto i to'na auauraa'tu i te hoé puua taehae, e ia roohia, ua horohia'tu ia ta'na vahine. Ua horoa atu teie na taata i te mau taoá aroha i teie feia, e ua farii-maitai-hia te reira e ratou.

Te faaineine nei te aito rahi moto ra o Jack Dempsey no te hoé motoraa rahi e faatiahia i te hoé ahuru e ma ono no Setepa i mua nei. Aita ê â i faaitehia mai te io'a o te taata te moto mai ia'na i roto i taua aroraa ra.

Ua haere te hoé taata êia i roto i te hoé fare moni i te fenua Amerika, tamata ihora oia i te êia i te moni i roto i taua fare moni ra. Ua ite râ te tiaï moni i te opuaraa ino i roto i teie taata êia, e no reira, ua pupuhi atura oia ia'na. E aita roa to'na opuaraa ino i manuïa.

Ua iteahia te hoé metua vahine roo rahi i te fenua Amerika. E toru ahuru e ma ono (36) to teie vahine matahiti e ua fanau mai oia e piti ahuru (20) tamarii. Aita'tu e vahine mai teie te huru i itehia i te ao atoa nei. O Ruita Corosa (Louis M. Cross) te i'oa no taua vahine ra, e ua faaipoipohia oia i te hoé ahuru e ma pae o to'na matahiti, e mai reira mai â, ua fanau mai oia e piti ahuru tamarii. I roto i teie mau mahana i mairi aénei, i fanau ai oia i ta'na tamarii hopea oia hoi, e tamarii tamahine. Te ora nei teie mau tamarii e piti ahuru atoa.

Ua haere te hoé vahine i te hoé fare hotela i te fenua Amerika, tarahu ihora oia i te piha i roto i taua fare ra, e ua haere atura oia i roto i te reira. Aita roa teie vahine i ite-faahou-hia e tae noa'tu i te poipoi aéra, e i reira ua iteahia to'na tino i raro aé i to'na haamaramarama, e ua pohe roa oia. Ua tomo te mau mutoi i roto i to'na piha, iteahia ihora te hoé puohu avaava i nia iho i te hoé iri, e tei nia iho i taua puohu ra, te vai ra te hoé parau i papaihia e ana ra. E ua na ô maira taua parau ra e, "E te mau vahine e, eiaha roa outou e pupuhi i te avaava, ua riro ia ei anatem i ia'u mui te matamua mai â o to'u oraraa nei."

Alma G. Burton, Imprimeur,

Rue Brea et de la rue Dumont d'Urville, Orovini, Papeete